

No. 333 [Nos. 310(29), 332]

## 佛说大乘日子王所问经

西天中印度摩伽陀国那烂陀寺三藏传教大师赐紫沙门臣法天奉 诏译

如是我闻：

一时佛在憍闪弥瞿尸罗林，与大苾刍众五百人俱，及诸菩萨摩訶萨众。

是时无比摩建儺迦女而起瞋恚，憎嫉舍摩嚩底妃后，于日子王边说言：「天子知耶？舍摩嚩底妃后等五百女，共其沙门而行淫欲。我今告言，要天子知，实难容恕。」

是时日子王闻无比摩建儺迦女说已，瞋怒至极，意不可忍，拟杀舍摩嚩底夫人，遂以手执弓放箭便射。是时舍摩嚩底夫人入慈心定，王所放箭上虚空中发生火焰，其焰炽盛，其箭却回，奔日子王前于左边而住——佛为密护，箭不着身亦无损动。

是时日子王心生惊怖，身毛皆竖，而便倒地，又复还起。问舍摩嚩底夫人而说偈言：

「汝复为天女、	鬼女、罗刹女、
嚩驮婆女等？	我问如是说。
汝持云何行？	未见未曾闻，
亦复不曾知。	未曾有女人，
器仗不能伤。	我有精进力，
善学于弓箭，	我箭不空发，
未曾虚放箭。	如我所要射，
猕猴及飞禽，	人身兼射垛，

而未无所中。    如我今放箭，  
却回面前住，    不伤损我身。  
我今归命汝，    愿救我苦恼。  
审听诚实言，    我欲故杀汝。  
舍过勿生瞋，    汝念为好事，  
令我离苦恼，    永不复如是。」

尔时舍摩躡底夫人答日子王，即说偈言：

「我非是天女，    亦非健闼女，  
非鬼、非罗刹，    是舍摩躡底。  
我作佛弟子，    为彼大慈悲，  
故我心行善。    发心世尊处，  
俱胝百千劫，    观彼善慈悲，  
故我行慈行。    女色所缚人，  
见彼如实者，    若苗稼成熟，  
而被雷雹坏。    若离女色染，  
我彼俱爱乐，    一切诸世尊，  
远离于淫欲。    又闻世尊说：  
『佛与菩萨众，    缘觉及声闻，  
悉皆离女色。    愚者不能知，  
普被魔罗降，    离女色染污，  
能得身安乐，    究竟得解脱。』  
无智诸众生，    爱欲无远离，  
作罪业无边，    堕落三恶道，  
无底欲火坑，    猛焰炽不灭。  
有智乐解脱，    不为女色染。  
见已便缠缚，    诈言虚适悦，  
坠堕于众生，    死入嶮恶道。  
勿听女人言，    亦不忿怒我，  
意愿生欢喜，    发心世尊处。  
汝欲求见佛，    我与大王去，  
到彼汝谛听，    必说微妙法。」

尔时日子王告舍摩躡底夫人：「正当是时。汝意速疾诣世尊所。」

王及臣民侍从围绕，见大牟尼巍巍堂堂，如大金山，光明焰赫吉祥庄严，又见菩萨摩訶萨，及诸苾刍、苾刍尼、坞波斯迦、坞波索迦、天龙、药叉、犍闼婆、阿素啰、孽噜荼、紧那啰、摩护啰譏、人非人等，围绕世尊。

尔时大王头面作礼，而白佛言：「世尊！我有未曾有事，先未闻见，今诣佛所，世尊慈悲与我解说。」

世尊告言：「大王！汝说未曾有事。」

王复白言：「今日我宫有淫欲因缘，无比摩建憍迦女，生毁谤心，言：『舍摩躡底夫人与声闻沙门而行淫事。』我闻此言瞋恨至极，杀舍摩躡底夫人，以箭便射，于其箭上而出火焰赫奕炽盛，却回我身左边而住，亦不伤损我身。」

舍摩躡底夫人，礼世尊足，说如是言：「彼王问我：『为复天女、龙女、犍闼婆女、比舍际女、鬼女、罗刹女？汝修持何行，而乃如是？』而答王言：『我是大王夫人，非是天女、龙女、犍闼婆女、比舍际女、罗刹女。』世尊！如来、应供、正等正觉，弟子心善纯净为如彼天。」

是时舍摩躡底夫人，称赞世尊功德：「我佛如来有如是应正等觉，有如是大慈大悲，具大福慧，成大威德，得大自在。何以故？如来、应、正等觉为天人师，愿鉴斯诚。」

尔时日子王，对佛及苾刍众前，忏悔发露：「我等由如愚童，如心迷乱，如在黑暗，如无善根，我念如来声闻，而生毁谤。善哉，世尊！愿解疑悔，我等受持。」

世尊说言：「汝发起慈心受持戒行，广利有情。」

日子王即从坐起，合掌恭敬。

佛言：「大王！汝但安坐。」

于时日子王头面作礼，却坐一面。日子王白佛言：「世尊！我心勇猛，听女人言，造罪业苦，知自命终堕于地狱。善哉，世尊！女人之过唯愿说之。」

世尊告言：「女人行业有其多种，惑乱有情，诈现异相，谄媚虚诞，心不真实，颠倒思惟谄曲诈伪，举动施为强求亲近，牵系有情恒行邪行，汝须省觉。」

王言：「世尊！愿赐慈悲，愿听所说。如我此后不近女人，亦不由女人而造罪业，既不造罪，不堕地狱。世尊！如我长夜利益安乐一切众生。」

佛言：「如是如是。」

复次日子王白言：「世尊！我于佛边闻斯欲义，实由女人得其恶报。」

佛言：「大王！女色深固，生冤家之父母，生暴恶之父母，若起爱乐堕于地狱；是故女人有如是之过。」

佛言：「大王！若较量丈夫淫欲之过，汝后世父母眷属亦有其过。」

日子王白佛言：「世尊！善哉，善哉！丈夫之过与我解说，云何丈夫之过，父母眷属亦有其过？」

佛言：「大王！谛听，谛听！善思念之！我为汝说。」

世尊告言：「大王！若丈夫之过有其四种。」

大王问言：「四过云何？」

世尊答言：「大王！若丈夫耽着淫欲，被淫欲迷醉，由迷醉故，情意颠倒，由颠倒故，于其女人深生爱乐，于苾刍众中有持戒德行沙门、婆罗门，不欲见闻。由不欲见闻持戒德行沙门、婆罗门故，亦不亲近，亦不归依，亦不供养，于无戒无行沙门、婆罗门，亦复远离。又无信根，不修德行，不行布施，全无智慧，寡闻薄德，我慢贡高，行鬼神行。又复亲近无智，贪着恶法，乐着臭秽，远离善友，纵生天上人间，于自身命恒时呵毁。于沙门、婆罗门，不作护摩，于佛法僧，而复远离，于涅槃果德，而所弃背，长时忆念女人倡妓歌舞、饮酒、谈笑，如是缠缚而复命终，堕在众合、黑绳、等活、号叫、大号叫、炎热、极炎热阿鼻地狱，受种种苦。从地狱出生焰魔罗界；畜趣中生，为师子虎狼、诸恶禽兽；乃至孽路荼身，止铁叉树。大王！若丈夫如是行愚法行，获斯恶报，此是丈夫初过。」

尔时世尊而说偈言：

「淫欲臭秽根不净，  
聪慧法师呵欲染，  
譬如广大不净坑，  
亦似冢间膨胀尸，  
复似蝇虫啞疮肿，  
猪狗食啖臭鱼等，  
破坏善名兼德行，  
不生天道堕阿鼻，  
如人悞饮恶毒药，  
不觉无常毒所中，  
乐着美味便珍馐，  
家事不思多忘失，  
贪着淫欲常称赞，  
昼夜恒行下劣行，  
赞美淫欲行非行，  
如履颠巍大峻崖，  
既别人世阎浮界，  
五峯围绕铁山间，  
如风狂乱无知解，  
如是经生常住此，  
种种善业亦不生。  
弃背尊亲行五逆，  
张罗罪网无思虑，  
父母远离无返复，  
放逸耽淫着戏弄，  
破坏修行疑种种，  
乐行邪行受极苦，  
鬪诤欺抄致杀伤，  
不生天道兼人趣，  
铁林青色攒锋刃，  
剑树刀山遍地中，  
如斯大苦因淫欲，

过后常增业苦深，  
当生父母亦无益。  
满盛粪壤多臭秽，  
淫欲之人亦如是。  
驴马奔眠粪秽中，  
耽爱女人亦如是。  
恒行毁禁具无惭，  
是故法师呵爱欲。  
迷乱猖狂遍体疼，  
耽欲之人亦如是。  
爱听歌音恋色声，  
唯作轮回集苦因。  
不了愚迷粪袋身，  
薄福沈轮于恶趣。  
多饶瞋恚长愚痴，  
不觉须臾致失命。  
死堕无边业海中，  
日月灯光全不见。  
往返纵横失路岐，  
一切世间无所重，  
设有女男无孝敬，  
和合妻女倍殷勤，  
堕落贪痴欲乐中。  
罔思育养报艰辛，  
互相烦恼倍增多。  
不逢贤圣作良因，  
不顾刑罚耻辱侵。  
隳张财贿离善友，  
死入阿鼻地狱中。  
猛焰塘煨烈火城，  
洋铜热铁为浆馐，  
隐没菩提智慧根。

汝向女人生恐怖，    勿令亲近起攀缘，  
人天善道若相应，    不久菩提自获得。

「复次，大王！若父母生产儿子，其事甚难，世所共知。处胎之时，怀担十月，苦恼疼痛种种多般，起坐艰辛，餐饮节度，纵获生产，如宰猪羊。不顾自身，唯忧儿子，乳哺养育，岂离怀抱。大小便痢，须自洗濯。后渐长大，而以诚实之言种种诱训，令彼修学阎浮提内，工巧伎艺，书疏算计，经商买卖种种事业。又复令彼身心安乐，广与财帛，富贵授用，选拣亲姻，娉娶妻妾，比望孝顺父母恭敬侍养，而复心意颠狂，一向迷乱，深着色欲都不省悟。又于别族姓家私娶妻妾，互相贪爱，于其父母返成不孝亦不敬重。其父后时耆年老迈，身体羸瘦眼耳聋暗，起坐艰难，要人扶持，而却憎恶轻弃嫌厌，种种逼迫，趁父出舍，娶其外族妻子于家聚会种种欢乐。」

佛告大王：「若是丈夫行此邪行，弃背父母，决定命终入阿鼻地狱，求出无期；为第二过。若善男子！弃背女色，心意清洁，供养父母，行孝敬行。命终之后不堕恶趣，而生诸天，受福快乐，天上福尽下生人间，亦不受贫穷下贱，富贵吉祥。」

尔时世尊而说偈言：

「离欲行慈孝，    命终生天趣，  
梵王、帝释身，    恒受于快乐。  
供养老父母，    后生人世中，  
入海为商贾，    安乐获珍宝。  
供养老父母，    一切最上德，  
田种菓成熟，    较量福不尽。  
供养老父母，    永不担重担，  
常得驴马负，    刀刃不能害。  
供养老父母，    不度鹹水河，  
猛火与刀兵，    亦复不能近。  
供养老父母，    常得善妻男，  
谷麦与资财，    琉璃及金宝。  
供养老父母，    常得天宫住，  
无数欢喜园，    四面恒围绕。」



供养老父母，    常闻佛法音，  
具相色端严，    谁人不敬重。

「复次，大王！若彼丈夫行非法业，心不真实，恒多邪见，于善不知，妄生颠倒，多得愚痴之人常所称赞，有智慧者恒生忿怒，罪业转深永失大利，于其佛世永不值遇，我慢贡高贫穷下贱，众不爱乐；此是丈夫第三过失。」

尔时世尊而说偈言：

「丈夫行淫欲，    颠倒分别我，  
愚迷罪业深，    轮回堕恶道。  
远离佛功德，    无智慧拣择，  
虚妄求安乐，    如河觅卢迦。  
愚痴爱欲人，    谄曲多虚诞，  
望求非法乐，    返成地狱苦。  
着欲见颠倒，    下劣自无知，  
如夜黑暗中，    不分道非道。  
无惭愧信根，    唯耽声色味，  
菩萨与声闻，    未曾行供养。  
设遇正行者，    广演微妙音，  
轻法而不听，    沈沦于地狱，  
永不复人身。    断除檀等行，  
迷没不修行，    菩提最上失。」

「复次，大王！若诸男子自为活命，及着淫欲，痴愚障闭，作诸工巧种种事业，书疏算计赞咏谈论，亲近王臣，行非法行，谪罚有情，种种虚诞，广求财利，作诸恶业。又复自为活命故，行不律仪行，货易牛驴驼马猪羊鸡犬，乃至呪龙置兔魁脍等事。或复经商，不择道路，游行嶮恶之道，臭秽之道，贼徒刀剑之道，乃至泛大溟海，寒热饥渴，种种苦恼，而求财利。又于沙门、婆罗门，慳贪不肯布施，一向着欲。又被女人降伏驱使，犹如奴仆长时同处，未曾舍离，起坐谈话，互相攀顾，深生爱着。是故畜养女人，命终之后同入地狱；为第四过。」

尔时世尊而说偈言：

「追求着欲人，  
下劣妄追寻，  
非真丈夫业，  
无耻若驼驴，  
斯人少智慧，  
奔竞向女人，  
臭秽不可乐，  
不知淫欲过，  
愚痴着淫欲，  
声香味触法，  
愚痴着欲人，  
如橛系猕猴，  
愚迷着欲人，  
常被恶魔牵，  
愚人贪爱味，  
何异厕中虫，  
智者得解脱，  
见彼生惊怖，  
愚痴怀散乱，  
如热路艰辛，  
如是见饮者，  
坚牢着欲人，  
实为此女人，  
生虫自啞食，  
若装饰女人，  
但观诸外相，  
又如油洗衣，  
庄严于女人，  
如衣盖刀剑，  
严饰于女人，  
又如劫火起，  
草木不见生，  
部多所住处，  
六欲与初禅，

迷醉何曾乐，  
云何得安乐？  
自作不知非，  
不堪极秽恶。  
不悟罪根深，  
如狗便粪秽。  
愚痴所爱重，  
如盲不见色。  
如犬奔粪秽，  
贪着亦如是。  
轮回于诸趣，  
永不出三界。  
如乌恋臭肉，  
堕在于恶趣。  
于美起缠缚，  
宁知是不净。  
女色不可染，  
弃舍如坏尸。  
着欲而无舍，  
困渴饮碱水。  
愚痴迷失命，  
过患亦如是。  
如身患疮癩，  
贪淫亦如是。  
如画瓮盛粪，  
谁知里不净。  
挂搭于身上，  
染污亦如是。  
似火覆轻灰，  
违损亦如是。  
大地皆洞燃，  
河海干枯尽。  
须弥及铁围，  
破坏谁能救。



如是耽女色，  
焚烧于有情，  
人身速不净，  
指爪与发毛，  
垢汗大小便，  
皮肉兼骨髓，  
脾肾心共肺，  
生藏对熟藏，  
又复八万户，  
常住于身中，  
于身起贪爱，  
臭气觉馨香，  
如是耽欲人，  
欲火竞来烧，  
愚痴着乐味，  
亦似底啰声，  
又如于猿猴，  
乃至到无常，  
如是贪欲人，  
坠堕恶趣中，  
愚痴淫欲人，  
掷在铁镬中，  
浮沈如煮豆，  
六十四俱胝，  
一一堕落者，  
煎煮于镬中，  
或二三四劫，  
皮肉俱烂坏，  
又随自业力，  
掷在炎铁槽，  
又被于狱卒，  
骨髓皆成糝，  
或以铁棒打，  
铁兽三四五，

淫火大炽燃，  
违损不可救。  
秽恶诸物成，  
涎唾并结眵，  
肪膏及脑膜，  
脓血筋脉连，  
肠胃胆与肝，  
赤痰共白痰。  
微细虫啣食，  
愚人那知觉。  
如蝇慕脓血，  
苦中而为乐。  
执杖相驱击，  
迷醉谁能悟？  
如狗在空房，  
究竟成妄想。  
攀缘常在树，  
不离于树上。  
追求于色境，  
不离生死苦。  
彼处命终后，  
如是住一劫。  
其镬大小量，  
众生所依彼。  
较量不能知，  
受苦满百劫。  
随彼业轻重，  
骨现似白螺。  
手捉尖利钩，  
死已而还活。  
手执铁杵捣，  
风吹而却活。  
劈裂如斧斫，  
随后而咬啮。

又复为铁鸟，  
牙嘴利如剑，  
若人造罪业，  
或落刀剑上，  
若人造罪业，  
号叫、大号称，  
若人造罪业，  
重重入由增，  
若人造罪业，  
饥吞热铁丸，  
若人造罪业，  
众山一时合，  
若人造罪业，  
获得如是果，  
此处非安乐，  
父母与妻儿，  
下劣淫欲行，  
受苦不可当，  
是故下劣人，  
如担于粪袋，  
丈夫为女人，  
地狱火燃身，  
刹那智慧生，  
离一切淫欲，

铁狗及豺狗，  
食罪人脑髓。  
堕落于粪河，  
一切皆臭秽。  
堕在极炎热，  
黑绳及烧燃。  
堕在于灰河，  
痛苦不可忍。  
死堕地狱中，  
渴复饮铜汁。  
堕在铁山间，  
拶碎身如粉。  
恒受于苦恼，  
无有能救者。  
先世业所招，  
何能相救济？  
直往于无间，  
三世佛皆说。  
与女人同处，  
愚痴到处行。  
缠缚如枷锁，  
无能得安乐。  
如是闻佛法，  
出家得解脱。」

佛告大王：「若丈夫行淫欲行，当堕地狱受斯大苦。是故，大王！恒常念佛念法，观察身心勿令起过。」

日子王言：「如是，世尊！」于如来处，发深信心，白言：「世尊！甚为希有，如来、应、正等觉，善说女人、丈夫之过。我当受持，归佛、归法、归苾刍众，今后弃舍淫欲刀杖等过，愍念饶益一切众生。」

说此语时，会中日子王，及诸苾刍、菩萨摩訶萨、天、龙、药叉、阿素嚩、孽路荼、健闼婆、莫呼落迦、人非人等，闻佛所说，皆大欢喜，作礼而去。

## 佛说大乘日子王所问经

---

【经文信息】大正藏第 12 册 No. 0333 佛说大乘日子王所问经

【版本记录】CBETA 电子佛典 Rev. 1.16 (Big5), 完成日期: 2009/05/24

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 维习安大德提供之高丽藏 CD 经文, 北美某大德提供, 西莲净苑提供新式标点

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】

---